

Protocòl de foncionament dera Taula de Partits e definicion de scenariis de celebracion des eleccions

(DEPARTAMENT D'ACCION EXTERIORA, RELACIONS INSTITUCIONAUS E TRANSPARÉNCIA)

Document presentat ath Comitè Tecnic deth Plan PROCICAT entà emergéncias associades a malauties transmissibles emergentes damb potènciu naut risc en data 28 de deseme deth 2020

Eleccions e COVID-19

**Protocòl de foncionament dera Taula de Partits e definicion de
scenaris de celebracion des eleccions**



Eleccions e COVID-19

Protocòl de foncionament dera Taula de Partits e definicion de scenaris de celebracion des eleccions

1. Finalitat

Aguest protocòl hè operatiu es elements que s'an includit en document de trabalh "**Eleccions e COVID-19: consideracions entara organizacion d'ua convocatòria electorau damb seguretat entara salut, garanties entath vòt e legitimitat democratica**" de 23/10/2020, en tot aquerò restacat damb es esturments entà préner era decision de mantier o ajornar era convocatòria des eleccions convocades entath pròplèu 14 de hereuèr deth 2021.

Aguest protocòl s'anarà revisant e adaptant en foncion dera evolucion dera situacion epidemiologica, pr'amor de garantir que s'evengue as directritzes provientes des autoritats sanitàries.

2. Objectius

Objectiu estrategic

- Protegir era legitimitat deth procès electorau

Objectius operatius

- Maximizar era transparéncia e nivèu de consens sus eth procès.
- Sensibilizar era ciutadanetat sus es condicions sanitàries e politiques en qué transcorreràn es eleccions.
- Minimizar comportaments de boicòt.
- Objectivar ath maximom es paramètres que harien aconselhabla un ajornament des Eleccions ath Parlament de Catalonha.

3. Foncionament

- Se crearà ua Taula de Partits entà informar dera evolucion dera pandèmia e era afectacion ara premanida des eleccions (abans e dempús dera convocatòria).
- Era Taula de Partits ei un òrgan consultiu non vinculant que sage d'arténher un clima electorau que fomenta era seguretat deth ciutadan e evitar comportaments que poguen maumèter era legitimitat deth procès electorau.
- Aquesta Taula serà convocada peth conselhèr damb competéncias en matèria electorau e ne formaràn part dus membres de cada grop o sosgrop parlamentari o, un còp convocades es eleccions, dus membres de cada candidatura damb actuau representacion en Parlament de Catalonha.
- Era Taula serà informada puntuament de toti es auanci ena organizacion des eleccions e serà convocada entà comunicar decisions d'especial relleuancia. Damb aguest propòsit, s'abilitarà un canau de comunicacion preferencial e segur a trauès deth quau compartir informacion e convocar era Taula.
- Es actes des sessions dera Taula de Partits seràn publics. Damb aguest propòsit, s'abilitarà un espaci en web electorau (parlament2021.cat) a on s'i publicarà era informacion restacada damb era activitat dera Taula. Serà eth secretari dera Taula eth responsable dera unitat competenta en matèria electorau.

4. Protocol entàs actes de campanha

Veigatz eth document “Eleccions e COVID-19. Protocol específic entàs actes de campanha enes pròpleu eleccions ath Parlament de Catalonha de 14 de hereuèr deth 2021”, ena sua v3.0 de 16/11/2020.

5. Ajornament des eleccions

- En cas de cambis de gran calat o d'ajornament dera data de celebracion des eleccions se cercarà eth maxim consens laguens dera Taula de Partits. Cap de decision se prenerà de forma automatica e/o sense consultar era Taula.
- Era Taula de Partits, tostemp observant es directritz des deth PROCICAT e deth Govern, contribuirà a hèr era diagnòsi des diuersi aspèctes que contribuïssen ara legitimitat democratica d'ues eleccions liures. Ua possibla categorizacion d'aguesti ambits ei:
 - Que i age sufisentes oportunitats entara deliberacion e era creacion d'ua opinion informada.
 - Qu'es candidatures agen sufisentes oportunitats entà presentar es sòns programes e candidats.
 - Qu'era ciutadanetat pogue exercir eth sòn dret a vòt actiu.
 - Qu'es eleccions poguen organitzar-se damb totau normalitat a nivèu operatiu.
 - Qu'eth resultat des eleccions pogue implantar-se.
- Corresponderà ara institucion competent a era acceptacion des suggeriments hèti ena Taula de Partits, tot e que se velharà tostemp peth compliment des acòrds prenudi damb unanimitat o per consens. En cas d'èster decisions sense competència institucional, depenerà de cada partit observar eth sòn seguiment.
- En cas d'ajornar-se es eleccions, eth Govern prepausarà ua data prèvia consulta damb era Taula de Partits. En cap de cas s'ajornaràn es eleccions sense auer ua data de naua convocatória prevista, que se harà publica en madeish moment der ajornament.

Propòsta de scenari entara celebracion des eleccions

Es següents scenari son basadi en [Plan de dubertura progressiva d'activitats](#) atau com enes diuersi [Plans sectoriaus entà hèr front ara COVID-19](#) aprovadi peth PROCICAT.

S'a refusat de definir indicadors includit entàs procèssi electoraus e utilizar, en cambi, ua sèrie de scenari derivadi dera afectacion practica qu'es decisions des autoritats sanitàries e de proteccion civil an ena vida vidanta des persones. En aquest sens, s'a hèt especiau atencion as aspèctes damb major impacte en un procès electorau: era mobilitat individuau e es activitats de tipe sociu e public.

En toti es scenari prepausadi, exceptat der EPC21-Normau, cau que:

- Tota activitat se desvolope en condicions de seguretat, autoproteccion e distància sociu, estant obligat er us de mascaretas e gèl hidroalcoolic dehòra de casa.
- Es lòcs publics e es sòns equipaments s'auràn de desinfectar periodicament. segontes er scenari, i aurà protocòls específics de seguretat sanitària entàs sedences electoraus e eveniments publics.
- Era mobilitat aurà de respectar tostemp tant es restriccions de confinament com eth tipe d'activitat permetuda. en aquest sens, eth vòt de despaièrs collectius -contagiats, contactes estret e sospitosi; collectius vulnerables; rèsta de votants- auràn indicacions explicitas sus protocòls de mobilitat e exercici deth dret a votar.

Se prepaue era data deth 15 de gèr deth 2021 entà hèr ua primèra avaloracion des scenari epidemiologics deth periòde electorau, a compdar dera quau s'efectuarà ua revision periodica cada 7 dies coma maximom.

Se fixe er inici dera campanha electorau, eth 29 de gèr deth 2021, com era data a compdar dera quau se considèrè definitiva era decision de celebrar o ajornar es eleccions.

Pendent tot eth periòde electorau, eth Govern informarà de forma puntuau e sistematica des auanci dera epidèmia atau com dera sua possibla afectacion a tot eth procès electorau e pre-electorau.

criteris guida enes cambis de scenari

Es scenari prepausadi entara celebracion des eleccions s'ajusten as trams previsti en *Plan de dubertura progressiva d'activitats* aprovat peth PROCICAT. Aquest Plan prevé quate trams de dubertura, major a mesura que s'auance en Plan, que s'avaloren quinzenaument en marc des òrgans deth PROCICAT. Per tant, era evolucion des scenari entara celebracion des eleccions serà parallèla ara evolucion des trams de dubertura, era quau ei estretament vinculada ara progression dera pandèmia COVID-19 en Catalonha e eth sòn impacte en sistèma public de salut.

Era situacion epidemiologica e assistenciau en marc dera pandèmia dera COVID-19 se monitore a trauès d'ua sèrie d'indicadors, recuelhudi en Annèxe 1 deth Decret lei 27/2020, de 13 de junhsèga, de modificacion dera Lei 18/2009, de 22 d'octobre, de salut publica, e d'adopcion de mesures urgents entà hèr front ath risc de rebròts dera COVID-19. Toti auesti indicadors se publiquen de manèra regulara e era màger part se trapan a disposicion dera ciutadanetat de manèra actualizada diàriament. Entre eri, s'identifique un conjun minim d'indicadors qu'expliquen er estat e evolucion dera pandèmia COVID-19, en tot destacar, per un costat eth nombre de reproduccion efectiu instantanèu (Rt) e era evolucion en nombre de cassi COVID-19 que requerissen espitalizacion, tant en lhet d'espitalizacion convencionau, com en lhets de critics (generaument, s'utilizen auesti indicadors en comput setmanèr).

Coma criteri generau, tenguent en compde auesti dus indicadors nomentadi:

- Se plantege era progression en tram de dubertura progressiva d'activitats quan:
 - Era valor dera Rt, de manèra persistenta, se manten egal o inferior a 0,9
 - Eth numèro de cassi que requerissen ingrèssi espitalèrs se manten en descens
- Se plantege de congelar era progression enes trams de dubertura quan:
 - Era valor dera Rt, de manèra persistenta, se manten entre 0,9 i 1
 - Eth numèro de cassi que requerissen ingrèssi espitalèrs s'estabilize
- Se plantege de retrocedir de tram de dubertura quan:
 - Era valor dera Rt, de manèra persistenta, ei superior a 1
 - Eth numèro de cassi que requerissen ingrèssi espitalèrs aumete

Scenari	Mobilitat	Activitat social	Afectacions electorals	Protocòl electoral COVID19
EPC21-Normau	I a vacuna. Non i a COVID19. Normalitat sanitària.		Cap.	Cap.
EPC21-Nauanormal	Naua normalitat. Sense confinaments. Cap de restriccion.	Vigilància epidemiologica.	Preventives en sedences electorals. Distància e aforament en actes.	Vot permetut en tot eth cens. Protocòls d'oficina de seguretat : sedences e circuit de vòt ; actes electorals
EPC21-Sedença (assimilable a situacion de Naua normalitat damb territòris damb mesures especificques)	Sense confinaments perimetraus, sense limitacion dera mobilitat nocturna.	Mesures en bèri territòris concrets equiparables a nivèu EPC21-Tram4	Risc moderat entara salut enes territòris afectadi pes mesures. Baish ena rèsta de territòris. Risc baish de desbordament sist sanitari. Mesures estrictes en sedences electorals. Distància e aforament en actes.	Vòt permetut en tot eth cens. Protocòls d'oficina de seguretat: sedences e circuit de vòt ; actes electorals
EPC21-Tram4 (assimilable a Tram 4)	Sense confinaments perimetraus, però limitacion de la mobilitat nocturna. Recomanacion de limitar era mobilitat.	Activitats socials damb aforament limitat, generalement $\geq 50\%$ Grani espacis 50% e possibilitat d'eveniments massius. Restriccions sonque en ambits fòrça circoscrits. Limitacion d'amassades a 10 persones.	Risc moderat entara salut. Risc baish de desbordament sist sanitari Mesures estrictes en sedences electorals. Limitacions estrictes en actes segontes afectacion territorialiu.	Vòt emetut en tot eth cens. Mesures de vòt extraordinàries puntaus en cas d'afectacions fòrça localizadas. Protocòls d'oficina de seguretat : sedences e circuit de vòt ; actes electorals.
EPC21-Tram3 (assimilable a Tram 3)	Sense confinaments perimetraus, però limitacion dera mobilitat nocturna. Recomanacion de limitar era mobilitat.	Activitats socials damb aforament limitat, generalement $\geq 50\%$ Restriccions sonque en ambits fòrça circoscrits. Limitacion d'amassades a 10 persones.	Risc moderat entara salut. Risc moderat-baish de desbordament deth sistèma sanitari Mesures estrictes en sedences electorals. Limitacions estrictes en actes segontes afectacion territorialiu.	Vot permetut en tot eth cens. Mesures de vòt extraordinàries puntaus en cas d'afectacions fòrça localizadas. Protocòls d'oficina de seguretat : sedences e circuit de vòt ; actes electorals.
EPC21-Tram2 (assimilable a Tram 2)	Recomanacion de limitar era mobilitat. Confinaments perimetraus e limitacion dera mobilitat nocturna.	Activitat sociala permetuda en amples espacis e sectors, però damb aforaments fòrça limitadi (<50%) o limitadi ($\geq 50\%$). Restriccions sonque en ambits fòrça circoscrits. Utilizacion fòrça estenuda e preceptiva dera cita prèvia. Limitacion d'amassades a 6 persones.	Risc naut entara salut. Risc moderat de desbordament deth sistèma sanitari. Mesures fòrça estrictes en sedences electorals. Limitacions estrictes en actes.	Vòt permetut en tot eth cens. Mesures de vòt extraordinàries generalizadas. Protocòls d'oficina de seguretat : sedences e circuit de vòt ; actes electorals.
EPC21-Tram1 (assimilable a Tram 1)	Recomanacion de limitar era mobilitat. Confinaments perimetraus e limitacion dera mobilitat nocturna.	Activitat sociala permetuda en amples espacis e sectors, però aforaments generalement fòrça limitadi (<50%). Grani espacis comercials e d'auti ambits circoscrits barradi. Utilizacion fòrça estenuda e preceptiva de cita prèvia. Limitacion d'amassades a 6 persones.	Risc naut entara salut. Risc moderat-naut de desbordament deth sistèma sanitari. Mesures fòrça estrictes en sedences electorals. Limitacions estrictes en actes.	Vòt permetut en tot eth cens. Mesures de vòt extraordinàries generalizadas. Protocòls d'oficina de seguretat : sedences e circuit de vòt ; actes electorals.
EPC21-Arturada (assimilable a situacion d'arturada social)	Recomanacion de restriccion dera mobilitat. Confinaments perimetraus e limitacion dera mobilitat nocturna.	Restriccion absoluta d'activitats socials en amples espacis e sectors e aforaments fòrça limitadi ena rèsta (<50%). Limitacion d'amassades socials a 6 persones.	Risc fòrça naut entara salut e de desbordament deth sistèma sanitari. Risc naut entara legitimitat deth procès.	Ajornament des eleccions. En foncion dera tendéncia prevista a miei termini, fixar ua naua data d'eleccions.
EPC21-Barrament Situacion de Lock down totau	Confinament domiciliari. Mobilitat restringida sonque tà supòsits essenciaus.	Barrament globau dera activitat sociala exceptat servicis essenciaus.	Impossibilitat de celebrar eleccions per pregonda crisi sanitària.	Ajornament des eleccions enquia cambi de scenari. Se fixarà data estimada a compdar dera quau poder convocar de nau.

Taula 1: Scenaris pera celebracion des eleccions